

# Vürm Speejel

Musik & Text Björn Heuser / Verlag: Dabbelju Music

---

Hee rüch et anders als jewohnt,  
dobei es jar nix passiert,  
ming leer Tass Kaffe steiht om Köchedesch.  
Wie schnell de Zigg off nit verjeiht,  
kein Mail, kei Telefon,  
der Äschebecher es voller als et nüdig es...

Un e Dröppche jäjen de Angs,  
dat ich nit schlofe kann,  
die letzte Naach wor eh schon koot jenog.

**Un ich stonn vürm Speejel,  
luur mich aan,  
un frog mich, wat dat soll;  
et Blod en minge Odere pulsiert.  
Jrenze weeden enger,  
Jeföhle weede stumm,  
wie e Beld, dat en Jedanke jefriert.**

Ich wälz mich durch de Naach,  
man, zick Stunde keine Schlof,  
sinn Diere, Minsche, Färve öm mich röm.  
Ich hör Stimme, die ich kenne,  
die mich warne "Jung, pass op,  
jläuv jar nit, dat do alles öm dich stemmp ..."

Nor e Dröppche, weil ich weiß,  
dat ich nit schlofe kann,  
wie su off en letzter Zigg,  
ich han baal jenog.